

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ДОМ НАРОДА  
ПРЕДСТАВНИЧКИ ДОМ**

Савет националних мањина Босне и Херцеговине



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**DOM NARODA  
PREDSTAVNIČKI DOM/ZASTUPNIČKI DOM**

Vijeće nacionalnih manjina Bosne i Hercegovine

---

Број: 05/7-50-13-218-33/18

**IZVJEŠTAJ O RADU VIJEĆA NACIONALNIH MANJINA BiH  
ZA 2017. GODINU**

**Sarajevo, februar 2018. godine**

**IZVJEŠTAJ O RADU VIJEĆA NACIONALNIH MANJINA  
ZA 2017. GODINU**

**Sadržaj**

<b>Poglavlje I.</b> Uvodne napomene.....	2
<b>Poglavlje II.</b> Sjednice Vijeća nacionalnih manjina.....	3
<b>Poglavlje III.</b> Priprema i izrada dokumenata.....	5
<b>Poglavlje IV.</b> Sastanci.....	8
<b>Poglavlje V.</b> Informacije.....	8
<b>Poglavlje VI.</b> Rad s medijima.....	10
<b>Poglavlje VII.</b> Ostale aktivnosti Vijeća nacionalnih manjina.....	11

Parlamentarna skupština BiH je Odlukom o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08, 53/09 i 60/14) osnovala Vijeće nacionalnih manjina BiH, kao posebno savjetodavno tijelo Parlamentarne skupštine BiH, te Odlukom o imenovanju članova Vijeća nacionalnih manjina Bosne i Hercegovine („Službeni glasnik BiH“, br. 15/08, 53/09, 59/09, 60/13 i 41/16) imenovala članove Vijeća nacionalnih manjina BiH.

## **Poglavlje I.**

### **Uvodne napomene**

Na osnovu člana 4. stav (1) Odluke o osnivanju Vijeća nacionalnih manjina Bosne i Hercegovine, utvrđeno je da Vijeće nacionalnih manjina BiH (u daljnjem tekstu: Vijeće) daje mišljenja, savjete i prijedloge Parlamentarnoj skupštini BiH o svim pitanjima koja se tiču prava, položaja i interesa nacionalnih manjina u Bosni i Hercegovini.

Također, u skladu s članom 4. stav (2) navedene odluke, Vijeće može delegirati stručnjake u radu ustavnopravnih komisija oba doma Parlamentarne skupštine BiH, Zajedničke komisije za ljudska prava i drugih komisija i radnih tijela Parlamentarne skupštine BiH kada raspravljaju o pravima, položaju i interesima nacionalnih manjina.

U Vijeće su imenovani:

1. HALIL BICAJ (Albanac),
2. DRAGAN MARKOVIĆ (Crnogorac) od 1.2.2014.,

3. JOVANKA MANZALOVIĆ-ŠALAKA (Čehinja),
4. JAKOB FINCI (Jevrej),
5. TIHOMIR KNEŽIČEK (Italijan),
6. EVA PAŠIĆ-JUHAS (Mađarica),
7. VJEROČKA GAJIĆ (Slovakinja),
8. TODORKA JOVANOVIĆ (Makedonka),
9. VELIBOR KUVAC (Nijemac),
10. DEJAN PIOTROVSKI (Poljak),
11. HAKAN VARAN (Turčin),
12. SILVIJA VUJOVIĆ (Rumunka),
13. MARIJA GRBIĆ (Slovenka),
14. ANDRIJA SVATOK (Ukrajina),
15. MLADEN RADMILOVIĆ (Rus),
16. TIJANA VUČUREVIĆ (Rusinka),
17. NEDŽAD JUSIĆ (Rom).

Odluka je stupila na snagu 30. jula 2013. godine objavom u "Službenom glasniku BiH" - broj 60, a Dopuna Odluke objavljena je u "Službenom glasniku BiH" - broj 41/16 kojom je dodat jedan član Vijeća

18. DAVOR EBNER (Austrijanac).

Predstavnik Ministarstva za ljudska prava i izbjeglice BiH, nadležan za pitanja nacionalnih manjina, redovno je prisustvovao sjednicama Vijeća. Informacijama i sugestijama kvalitetno je doprinio rješavanju pitanja koja su se odnosila na nadležnost Ministarstva za ljudska prava i izbjeglice BiH, a bila su predmet rasprava na sjednicama Vijeća.

## **Poglavlje II.**

### **Sjednice Vijeća nacionalnih manjina BiH**

U izvještajnom periodu u toku 2017. godine Vijeće je održalo deset redovnih sjednica:

32. sjednica Vijeća nacionalnih manjina BiH, 28.12.2017.

31. sjednica Vijeća nacionalnih manjina BiH, 24.11.2017.
30. sjednica Vijeća nacionalnih manjina BiH, 27.10.2017.
29. sjednica Vijeća nacionalnih manjina BiH, 29.9.2017.
28. sjednica Vijeća nacionalnih manjina BiH, 31.8.2017.
27. sjednica Vijeća nacionalnih manjina BiH, 12.7.2017.
26. sjednica Vijeća nacionalnih manjina BiH, 30.6.2017.
25. sjednica Vijeća nacionalnih manjina BiH, 26.5.2017.
24. sjednica Vijeća nacionalnih manjina BiH, 21.4.2017.
23. sjednica Vijeća nacionalnih manjina BiH, 22.2.2017.

Sjednice je sazivao i vodio predsjedavajući Vijeća Tihomir Knežiček, a 26. i 32. sjednicu sazvaio je i vodio prvi zamjenik predsjedavajućeg Andrija Svatok.

Na sjednicama se raspravljalo o tačkama koje su bile predviđene Programom rada Vijeća za 2017. godinu, kao i drugim tekućim pitanjima koja se tiču nacionalnih manjina u toku 2017. godine, i to prvenstveno: definiranje i izrada prijedloga kriterija za izbor članova Vijeća nacionalnih manjina BiH, aktivnosti u procesu izmjene Zakona o pravima pripadnika nacionalnih manjina i promjeni Odluke o osnivanju Vijeća nacionalnih manjina BiH, predlaganje amandmana na Ustav BiH, način finansiranja rada Vijeća, održavanje međunarodne konferencije i stručne posjete Vijeća nacionalnih manjina Češke Republike.

Sve sjednice su održane u planirano vrijeme i na svakoj sjednici je bio potreban kvorum članova. Prisustvo članova Vijeća na sjednicama iznosi 90%. Neblagovremeno ispunjavanje obaveze članova Vijeća preuzetih shodno zaključku s 30. sjednice u vezi s davanjem prijedloga za plan rada Vijeća u 2018. godini negativno se odrazilo na proces rada Vijeća u decembru 2017. godine. Obaveza je ispunjena nakon dogovorenog roka i Plan rada Vijeća za 2018. usvojen je 28.12.2017.

S obzirom na to da je četvorogodišnji mandat Vijeća istekao 18.9.2017., od tog datuma Vijeće radi u tehničkom mandatu.

Sastanci Vijeća organiziraju se uz značajnu stručnu i tehničku pomoć Ureda sekretara Zajedničke komisije za ljudska prava Parlamentarne skupštine Bosne i Hercegovine. S obzirom na to da je sekretarka Komisije prešla na drugo radno mjesto, a nije došla njena zamjena, značajan period u 2017. godini Vijeće nije imalo adekvatnu stručnu podršku koja se odnosi na proces sazivanja sjednica Vijeća i efikasnu izradu prijedloga prema nadležnim tijelima.

### **Poglavlje III.**

#### **Priprema i izrada dokumenata**

U izvještajnom periodu pripremljeni su i izrađeni sljedeći dokumenti:

- **Plan rada Vijeća za 2018. godinu**

Na osnovu iskustava u dosadašnjem radu Vijeća i procjene aktivnosti koje bi trebalo realizirati u narednom periodu, zamjenik predsjedavajućeg predložio je Plan rada Vijeća za 2018. godinu, koji je usvojen na 32. sjednici Vijeća, održanoj 28.12.2017.

- **Izveštaj o radu Vijeća nacionalnih manjina za 2017. godinu**

Izveštaj o radu Vijeća nacionalnih manjina za 2017. godinu usvojen je na 33. sjednici Vijeća, 25.1.2018.

- **Kriteriji za izbor članova Vijeća nacionalnih manjina**

Radi prevazilaženja problema u vezi s nedostatkom pisanih kriterija za izbor predstavnika nacionalnih manjina, Vijeće je na 24. sjednici, održanoj 21.4.2017., prihvatilo prijedlog kriterija za izbor predstavnika nacionalnih manjina u Vijeće. Dokument je upućen Zajedničkoj komisiji za ljudska prava, nadležnoj za imenovanje članova Vijeća nacionalnih manjina BiH. Komisija je na sjednici održanoj 30.5.2017. razmatrala prijedlog i nije prihvatila ponudene niti je predložila svoje kriterije. U 2016. godini Zajedničkoj komisiji za ljudska prava je, također, upućen prijedlog kriterija za izbor predstavnika nacionalnih manjina u Vijeće, koji Komisija nije prihvatila. Problem nedostatka kriterija za izbor članova Vijeća komentirala je Evropska komisija u Izvještaju o Bosni i Hercegovini za 2016. godinu, u kojem se na str. 25 navodi: „Nedostatak resursa i političkih poluga u donošenju odluka ometaju djelotvornost i učinak Vijeća nacionalnih manjina na državnom

i entitetskom nivou. Ispolitizirani i složeni postupci imenovanja, također, potkopavaju legitimnost i sposobnost Vijeća da radi ispravno.“

## **1. Priprema i izrada inicijativa**

U izvještajnom periodu razmatrane su i upućene u proceduru sljedeće inicijative:

- **Inicijativa za promjenu amandmana na Ustav BiH**

Vijeće je sačinilo prijedlog promjene amandmana II., III. i IV. na Ustav BiH, što je usvojeno na 31. sjednici Vijeća, 24.11.2017. Na osnovu zaključka Vijeća, amandmani su 26.12.2017. upućeni svim članovima Parlamentarne skupštine BiH kako bi ih uputili u parlamentarnu proceduru, s obzirom na to da Vijeće nacionalnih manjina BiH, prema poslovnicima oba doma Parlamentarne skupštine BiH, ne može biti ovlašteni predlagač amandmana.

- **Inicijativa za izmjenu i dopunu Izbornog zakona u dijelu kojim se regulira izbor delegata u Dom naroda Parlamenta Federacije BiH**

Vijeće je pokrenulo Inicijativu za izradu prijedloga izmjene i dopune Izbornog zakona u dijelu kojim se regulira izbor delegata u Dom naroda Parlamenta Federacije BiH, sa osvrtom na delegate iz reda ostalih. Sadržaj inicijative prihvaćen je na 32. sjednici, održanoj 28.12.2017., i bit će upućen svim članovima u Parlamentarnoj skupštini BiH, s prijedlogom da ih preuzmu i upute u parlamentarnu proceduru s obzirom na to da Vijeće nacionalnih manjina BiH, prema poslovnicima oba doma Parlamentarne skupštine BiH, ne može biti ovlašteni predlagač amandmana.

- **Inicijativa za unapređenje zakonodavnog okvira za nacionalne manjine**

Vijeće je na dva načina iniciralo načine unapređenja zakonodavnog okvira za nacionalne manjine u BiH. Prvo je organizirana međunarodna konferencija pod nazivom „Autentičnost nacionalne manjine u BiH“ koja je poslužila za identifikaciju unapređenja zakonodavnog okvira, na osnovu iskustava u drugim državama. Druga inicijativa se odnosi na unapređenje zakonodavnog okvira za nacionalne manjine na osnovu iskustava Češke Republike.

- Vijeće je realiziralo međunarodnu konferenciju pod nazivom „Autentičnost nacionalne manjine u BiH“, koja je održana u Sarajevu 12.7.2017. Uvodna obraćanja su imali Tihomir Knežiček, Saliha Đuderija i Toni Pavloski, zamjenik

šefa Ureda Vijeća Evrope u Sarajevu. Na konferenciji je sedam eksperata prezentiralo radove o zadatim temama, primarno sa aspekta zakonodavnog okvira za nacionalne manjine. Na konferenciji je bilo 50 učesnika, predstavnika struktura vlasti, međunarodnih institucija, Vijeća nacionalnih manjina i nevladinih organizacija. Prije konferencije održana je pres-konferencija. Radovi i zaključci s konferencije bit će predstavljeni u Zborniku radova s konferencije (izdavanje planirano u 2018. godini). Informacija s konferencije je prihvaćena na 28. sjednici Vijeća, održanoj 31.8.2017. S obzirom na to da Zbornik radova s konferencije nije završen, nije upućen prijedlog promjene zakonodavnog okvira za nacionalne manjine prema Ministarstvu za ljudska prava i izbjeglice BiH.

- Vijeće je obavilo posjetu Vladinom vijeću za nacionalne manjine Češke Republike, 5. i 6.9.2017. Primarni cilj posjete bio je upoznavanje zakonodavnog okvira Češke Republike koji se odnosi na nacionalne manjine, način funkcioniranja Vijeća nacionalnih manjina i opći položaj pripadnika nacionalnih manjina u Češkoj Republici. Organizator posjete bilo je Vladino vijeće za nacionalne manjine Češke Republike, sa g. Pospišilom na čelu. Sastancima su prisustvovali predstavnici ministarstava koji su članovi Vijeća i stručnjaci za pitanja nacionalnih manjina u Češkoj Republici. Na osnovu rezultata posjete, urađen je Izvještaj o stručnoj posjeti koji je prihvaćen na 29. sjednici Vijeća 29.9.2017. Informacije o zakonodavnom okviru Češke Republike su kvalitetna osnova za unapređenje zakonodavnog okvira za nacionalne manjine u BiH (aktivnost Ministarstva za ljudska prava i izbjeglice BiH koja je počela 2016. godine i zaustavljena u 2017. godini, s očekivanjem da će se nastaviti u 2018. godini).

S obzirom na to da su dvije inicijative upućene krajem 2017. godine, nije poznato da li će nadležne institucije prihvatiti Inicijativu za promjenu amandmana na Ustav BiH i Inicijativu za izmjenu i dopunu Izbornog zakona u dijelu kojim se regulira izbor delegata u Dom naroda Parlamenta Federacije BiH. Treću inicijativu prihvatile su nadležne institucije, s napomenom da su obje aktivnosti u okviru inicijative bile obuhvaćene Planom rada Vijeća za 2017. godinu.

Vijeće je uspostavilo efikasnu saradnju s Ministarstvom za ljudska prava i izbjeglice BiH, ali odnos ostalih institucija BiH prema Vijeću nije na zadovoljavajućem nivou, što se potvrđuje zaključkom u Izvještaju Evropske komisije o napretku BiH za 2016. godinu, u poglavlju 2.4,



koje se odnosi na zaštitu ljudskih prava i zaštitu manjina, tj. nepovoljan položaj Vijeća, gdje je navedeno:

„Nacionalne manjine su i dalje nedovoljno prisutne i premalo učestvuju u političkim i javnim raspravama i u medijima. Nedostatak resursa i političkih poluga u donošenju odluka ometaju djelotvornost i učinak Vijeća nacionalnih manjina na državnom i entitetskom nivou. Ispolitizirani i složeni postupci imenovanja, također, potkopavaju legitimnost i sposobnost Vijeća da radi ispravno.“

Vijeće u 2018. godini očekuje promjenu stanja i kvalitetnije uvažavanje prijedloga koje daje kao savjetodavno tijelo pri Parlamentarnoj skupštini BiH.

## **Poglavlje IV.**

### **Sastanci**

- Predsjedavajući je bio domaćin sastanka održanog 6.6.2017. s predstavnicima Vijeća Evrope, a u vezi s programom „*Horizontal Facilities for the Western Balkans and Turkey*“. Sastanak je održan u Sarajevu, uz prisustvo predstavnika Vijeća Evrope (Pavloski, Nikifor i Majstorović).
- Članovi Vijeća prisustvovali su sastanku s delegacijom Savjetodavnog komiteta za okvirnu konvenciju o zaštiti nacionalnih manjina (Šandor-Salaj, Bokašvili, Hrustić i Zyman), a u vezi sa 4. monitoring posjetom BiH. Sastanak je održan 6.7.2017. u Sarajevu.
- U 2017. godini održana su dva sastanka sa osobljem Ureda sekretara Zajedničke komisije za ljudska prava na kojim su vođeni razgovori o pripremama sjednica Vijeća, realizaciji aktivnosti u nadležnosti Ureda sekretara, izradi dokumenata i realizaciji logističkih pitanja (službena putovanja, priprema formulara za naplate troškova, slanje poziva za sjednice, slanje materijala i dopisa i slično).

## **Poglavlje V.**

### **Informacije**

U izvještajnom periodu Vijeće je uputilo i razmatralo niz upita i informacija:

- Informaciju o statusu akcionih planova za rješavanje problema Roma u oblasti zapošljavanja, zdravstvene zaštite i stambenog zbrinjavanja 2017.-2020., izvjestilac: Ministarstvo za ljudska prava i izbjeglice BiH;
- Informaciju o odvojenim finansijskim sredstvima za Rome i druge nacionalne manjine za 2017. godinu u budžetu Bosne i Hercegovine i metodologiji utroška, izvjestilac: Ministarstvo za ljudska prava i izbjeglice BiH;
- od Ministarstva finansija i trezora Bosne i Hercegovine traženo je da dostavi nacrt budžeta institucija Bosne i Hercegovine za 2018. godinu, u dijelovima koji se odnose na programe podrške nacionalnim manjinama u Bosni i Hercegovini. Ministarstvo je dostavilo tražene informacije;
- od Direkcije za evropske integracije Bosne i Hercegovine zatražena je informacija u vezi s odgovorima na Upitnik Evropske komisije za pripremu mišljenja o zahtjevu za članstvo Bosne i Hercegovine u Evropsku uniju - poglavlje III „Poštovanje i zaštita manjina i prava na kulturu“. Direkcija je dostavila dopis 20.6.2017., bez jasnog odgovora na postavljeno pitanje.
- Vijeće je na 24. sjednici, održanoj 21.4.2017., uputilo upit Vijeću ministara BiH i zatražilo informaciju o tome u kojoj mjeri se realizira i poštuje Zakon o Vijeću ministara BiH, gdje se u članu 6. navodi da u sastavu Vijeća ministara BiH mora biti osigurano jedno mjesto za pripadnike ostalih. U toku 2017. godine odgovor nije stigao.
- Vijeće je uputilo dopise Federalnom i svim kantonalnim ministarstvima obrazovanja i nauke da se, u skladu s pozitivnim zakonskim odredbama, u Federaciji BiH uvede fakultativna nastava za pripadnike nacionalnih manjina. Odgovore su dostavili: Ministarstvo obrazovanja, nauke, kulture i sporta Hercegovačko-neretvanskog kantona, Federalno ministarstvo obrazovanja i nauke i Ministarstvo za obrazovanje, nauku, kulturu i sport Zeničko-dobojskog kantona.
- Vijeće je 27.10.2017. razmatralo Informaciju o 4. izvještaju Bosne i Hercegovine o zakonodavnim i drugim mjerama za primjenu principa utvrđenih u Okvirnoj konvenciji o zaštiti nacionalnih manjina Vijeća Evrope i uputilo Ministarstvu za ljudska prava i izbjeglice BiH prijedloge u vezi s 5. izvještajem Bosne i Hercegovine o zakonodavnim i drugim mjerama za primjenu principa utvrđenih u Okvirnoj konvenciji o zaštiti nacionalnih manjina Vijeća Evrope.
- Vijeće je razmatralo dva prijedloga za davanje podrške savezima nacionalnih manjina na lokalnim nivoima. Podržane su inicijativa Vijeća nacionalnih manjina Kantona

Sarajevo za obnovu i prenamjenu "Austrijske kuće" u Sarajevu i prijedlog za davanje podrške za realizaciju projekta otvaranja "Kulturnog centra različitosti" u Doboju.

## **Poglavlje VI.**

### **Rad s medijima**

U izvještajnom periodu aktivnosti Vijeća su dokumentovane u štampanim i elektronskim medijima, a najviše na internetskim portalima:

- gostovanje predsjedavajućeg i člana Vijeća Nedžada Jusića u trećem Dnevniku FTV 12.7.2017.
- Oslobođenje, članak povodom održavanja konferencije o temi: "Uslovi za zaštitu nacionalnih manjina u BiH", 13.7.2017.
- intervju predsjedavajućeg za emisiju "Korijeni" na RTRS-u, 5.8.2017., u vezi sa Izbornim zakonom BiH i radom Vijeća.
- izjava predsjedavajućeg za Radio Slobodna Evropa 23.12.2017. u vezi s amandmanima na Ustav BiH.

Rad Vijeća redovno se prati i publikuje putem pres-službe Parlamenta BiH, kao i objavljivanjem informacija o radu Vijeća na veb-stranici Parlamenta/Vijeća i drugim veb-portalima, npr:

- Fokus, održana 25. sjednica Vijeća nacionalnih manjina BiH, 29.5.2017.
- RTRS, Vijeće nacionalnih manjina BiH: Uvesti fakultativnu nastavu za manjine u FBiH, 3.7.2017.
- Oslobođenje, autentičnost nacionalne manjine u BiH, 12.7.2017.
- *Vijesti.ba* - pokušati identificirati šta znači pripadnik nacionalne manjine u BiH, 12.7.2017.
- BHRT, KNEŽIČEK: "ŠTA ZNAČI PRIPADNIK NACIONALNE MANJINE U BiH"?, 12.7.2017.
- *Dnevnik.ba*, Vijeće nacionalnih manjina BiH podržalo inicijative Vijeća manjina Kantona Sarajevo, 2.10.2017.

## **Poglavlje VII.**

### **Ostale aktivnosti Vijeća nacionalnih manjina BiH**

- Nije bilo aktivnosti o usvajanju Strateške platforme za rješavanje pitanja nacionalnih manjina u BiH. Dokument je finaliziran, ali nije usvojen u nadležnim institucijama, pa tako nije bio predmet razmatranja Vijeća ministara BiH koje je nadležno za usvajanje navedene strategije. Strategija je rađena godinama, a Vijeće je sve vrijeme bilo uključeno u njenu izradu putem radne grupe i rasprava na samim sjednicama Vijeća.
- Predsjedavajući Vijeća učestvovao je na konferenciji „Značaj učenja maternjeg manjinskog jezika u segmentu očuvanja kulturnog identiteta“, održanoj u Prnjavoru 21.2.2017., u organizaciji Saveza nacionalnih manjina općine Prnjavor.
- Član Vijeća Nedžad Jusić učestvovao je na konferenciji “OSTVARIVANJE PRAVA NA RAD BEZ DISKRIMINACIJE“ u organizaciji Zajedničke komisije za ljudska prava i Ministarstva za ljudska prava i izbjeglice BiH, a povodom obilježavanja 10. decembra – Međunarodnog dana ljudskih prava. Konferencija je održana u Sarajevu, 4.12.2017.
- Predsjedavajući je učestvovao na okruglom stolu – prezentacija „Kultura raznolikosti za dijalog i razvoj“, održanom u Tuzli 22.5.2017, u organizaciji OSCE-a.
- Predsjedavajući je učestvovao na obilježavanju 16. novembra, Svjetskog dana tolerancije. Tom prilikom otvoren je Ured za nacionalne manjine u Gradu Bijeljina, a prisutnima se, u ime Vijeća, obratio predsjedavajući.
- Članica Vijeća Jovanka Manžalović-Šalaka učestvovala na svečanoj sjednici Odbora za Rome pri Vijeću ministara, povodom obilježavanja Svjetskog dana Roma. Sjednica je održana u Sarajevu, 10.4.2017., u organizaciji Ministarstva za ljudska prava i izbjeglice BiH.
- Komemoracija povodom obilježavanja Međunarodnog dana sjećanja na žrtve Holokausta - 27. januara, održana je u Sarajevu 27.1.2017, uz učešće predsjednika Jevrejske zajednice u Bosni i Hercegovini i člana Vijeća Jakoba Fincića.
- Uručene su zahvalnice za doprinos u djelovanju i radu Vijeća nacionalnih manjina BiH, (UNDP i OSCE, 22.5.2017.).
- Predsjedavajući Vijeća je na poziv Saveza nacionalnih manjina Republike Srpske učestvovao na manifestaciji „Četrnaesta smotra kulturnog stvaralaštva nacionalnih manjina“ i na izložbi "Korijeni - Banjalučani češkog porijekla". Smotra je održana u Banjoj

Luci, 30.9.2017. Na manifestaciji su učestvovali i članovi Vijeća Andrija Svatok i Marija Grbić.

- Predsjedavajući Vijeća je na poziv Saveza nacionalnih manjina Republike Srpske učestvovao na 8. festivalu nacionalnih manjina općine Prnjavor - "Mala Evropa", koji je održan 19.9.2017. u sali Osnovne škole "Nikola Tesla" u Prnjavoru. Na manifestaciji su učestvovali i članovi Vijeća Andrija Svatok i Marija Grbić.
- Članovi Vijeća učestvovali su na manifestaciji MINORITY – Dani nacionalnih manjina Kantona Sarajevo, održanoj 25.11.2017. u Sarajevu.
- **Predstavnici Vijeća nacionalnih manjina, kao i svih prethodnih godina, nisu pozivani na obilježavanje državnih i vjerskih praznika, svečanosti ili obilježavanje značajnih datuma koje su organizirali državni, politički i vjerski zvaničnici u Bosni i Hercegovini tokom 2017. godine.**
- **Nije poznato da li je Zajednička komisija za ljudska prava pri izboru članova Vijeća u novi saziv (od 2018. godine) konsultirala udruženja nacionalnih manjina u pogledu izbora članova Vijeća, shodno članu 3. Odluke o osnivanju Vijeća.**
- **Vijeće nacionalnih manjina je na sjednicama predlagalo nadležnim institucijama da ga uključe u popunjavanje Upitnika Evropske komisije u poglavljima koja se odnose na položaj pripadnika nacionalnih manjina. Vijeće nije konsultirano u pogledu davanja odgovora na Upitnik Evropske komisije i nije upoznato kakvi su odgovori dati u Upitniku.**

Vijeće nacionalnih manjina BiH realiziralo je sve aktivnosti koje su bile u njegovoj direktnoj nadležnosti i koje su predviđene Planom rada Vijeća za 2017. godinu.

**Predsjedavajući Vijeća nacionalnih manjina BiH**  
**prof. dr. Tihomir Knežiček**